



FYLKESMANNEN
I ROGALAND

Dykkar ref.:

Vår dato: 15.03.2013
Vår ref.: 2012/12121
Arkivnr.: 433.0

AS Skog
Høgåsvn. 13
4380 HAUGE I DALANE

Att. Hans Petter Tønnesen

Postadresse:
Postboks 59 Sentrum,
4001 Stavanger

Besøksadresse:
Lagårdsveien 44, Stavanger

T: 51 56 87 00
F: 51 56 88 11
E: fmropost@fylkesmannen.no

www.fylkesmannen.no/rogaland

Løyve til A/S Skog til å setja ut utanlandske treslag på gnr/bnr 48/10, Eigersund kommune

Vi syner til søknad, mottatt 10.12.2013, fremja av Hans Petter Tønnesen. Søknaden gjeld løyve til planting av utanlandske tre til skogproduksjon på gnr/bnr 48/10 i Eigersund kommune. Slik søknadsskjemaet er utforma og det går fram indirekte av kgl. res. av 25.05.2012, kan andre enn grunneigar søka på vegne av grunneigar. Vi legg til grunn for behandlinga av søknaden at Hans Petter Tønnesen har fullmakt til å fremja søknaden på vegne av grunneigar og forplikta grunneigar, m.a til å hindra spreiring. Dette gjeld m.a. plikta til generelt å opptre aktsamt (§6), og det særlege kravet til aktsemd ved utsetjing av framande organismar (§28).

Heimel

Utsetjing av utanlandske treslag krev godkjenning frå fylkesmannen i samsvar med *forskrift om utsetting av utenlandske treslag til skogbruksformål (25.05.2012 nr 460)*, jf naturmangfaldlova kap IV.

Søknaden

Det er søkt om å planta ut 5000 stk sitkagran på om lag 20 da avmerka kartvedlegg tilsøknaden.

Pkt 10 – 19 i søknadsskjemaet er ikkje utfylt.

Fylkesmannen si vurdering

Føremålet med forskrifta er å hindra at planting av utanlandske treslag gjev uheldige konsekvensar for naturmangfaldet. Det er sentralt å sikra at forvaltingsmåla for naturtypar og artar ikkje blir truga av dei framande artane, direkte eller indirekte, jf naturmangfaldlova §§4 og 5. Alle offentlege vedtak som kan ha verknader for naturmangfaldet skal vurderast etter naturmangfaldlova §§ 8 – 12.

§8 set krav om at vedtak bygger på kjend kunnskap. Sitkagran er vurdert av Artsdatabanken som ein art med svært stor risiko for naturleg spreiring med skadelege økologiske verknader for norsk natur (Norsk svarteliste 2012). Det er ikkje verna område eller kjende artar i nærleiken som kan bli uheldig påverka av tilplantinga. Plantefeltet er tidlegare plantefelt med buskfuru. Det grensar opp mot etablert plantefelt for sitkagran.

Ut frå føre-var-prinsippet (§9) er det viktig å sikra seg mot framtidig frøspreiing frå plantefeltet. Det er i naturmangfaldlova ei generell plikt til å opptre aktsamt (§6), og eit særlege kravet til aktsemd ved utsetjing av framande organismar (§28). Rutinar for internkontroll må innarbeidast i verksemda. Søkar meiner at faren for spreiring er liten sidan eigedomen grensar til vatnet i nord og

aust og til industriområde i sør. Vi vil peika på faren for vindspreiing av frø på isen når vatnet er islagt, m.a. til strandområda i Fotlandsvatnet og tilgrensande eikeskogområde.

Påverknad av økosystemet skal vurderast ut frå samla belastning som økosystemet er eller blir utsett for (§10). I dette høvet kan vi ikkje sjå at tiltaket direkte legg beslag på eller er vesentleg trugsmål mot stadeigne naturkvalitetar. Indirekte verknader er drøfta nedanfor.

§11 adresserer ansvaret for eventuelle skadar på naturmiljøet til tiltakshavaren. Kostnader ved å bota på eventuelle skadar eller førebyggja skadar skal dekkast av tiltakshavar, så langt dei er innafor rimelege grenser.

Driftsmetodar og teknikkar skal i utgangspunktet ta best mogleg omsyn til naturmiljøet, slik at resultatet gjev dei beste samfunnsmessige resultatata (§12).

Plantinga er omsøkt i eit område med ein del sitkagran frå før slik at plantinga ikkje utgjer ei stor endring av frøpresset på områda rundt. Ei god stund framover vil det aller meste av frøspreiinga stamma frå sitkagran etablert før godkjenningssordninga tredde i kraft i 2012. Nordspissen av eidedomen, om lag 400 m nord for omsøkt areal, ligg innanfor Fotlandsvatnet dyrefredingsområde. Rett vest for elva, 500 m vest for omsøkt areal, ligg eikeskog. Den sørlege enden av denne (om lag 1 km i SV) er naturtypekartlagt som gammal fattig edellauvskog med verdi viktig (B). Her er det registrert 4 trua oseaniske lavartar (sårbar-nær trua). Under føresetnad av at framtidig spreiring av sitkagran blir overvaka og hindra om det blir aktuelt, kan vi ikkje sjå at den omsøkte plantinga vil vera til vesentleg skade for naturmangfaldet.

Det er og viktig at dette dokumentet blir gjort kjend og overført samtidig som eventuelt eigarskifte til ny eigar.

Vedtak og vilkår

Fylkesmannen gjev med dette løyve til å setja ut 5000 sitkagran innanfor 20 da avmerka på kart vedlagt søknaden.

Det er eit vilkår at framtidig spreiring av sitkagran blir overvaka og hindra om det blir aktuelt.

Vedtaket kan påklagast til Direktoratet for naturforvaltning innan 3 veker. Klagen skal stilast til Direktoratet for naturforvaltning og sendast til Fylkesmannen i Rogaland.

Med helsing

Per Kristian Austbø
Ass. fylkesmiljøvernssjef

Audun Steinnes
seniorrådgjevar

Dokumentet er godkjent elektronisk av Fylkesmannen i Rogaland og krev derfor ikkje signatur.

Saksbehandlar: Audun Steinnes
Saksbehandlar telefon: 51 56 89 12
E-post: fmrosas@fylkesmannen.no

Kopi på E-post: Hans Petter Tønnesen hanspt@eigersund.kommune.no